



1/2022
январь – февраль

Члавалачин



РЕСПУБЛИКАЛУЛ КИВА ЗУРУЙ ЦАЛ ИТАБАКЬАЙССА ОҮРЧІАНССА ЖУРНАЛ

2022-й
Год Образования
в Дагестане



Сүйл Ахадов – студентка Нахичеванская колледжа коммуникаций и
информационных технологий, филиал ФГБОУ ВО «Дагестанский государственный технический университет».


В новом 2022 году мы хотим поздравить вас с наступающим годом образования.
Пусть ваши знания и мечты реализуются, поберегите свою Родину Дагестан и
Дединку в Грозном, а также всех участников, участвующих в
зимних спортивных играх на полях горы Чатыр-Тау.

XIурмат бусса чIавами дустал! Вана зун цIа куну ва журнал итабакълай хъунни мукъцIалунния лирчусса шинну. Мий шиннардий жу зу кIул барду жула миллатрал бакъассагу, щалагу Аърасат билаятрал чIявусса чичултрал чичурдащал ва личИ-личIисса давурттаву машгъур хъусса инсантуращал. Мукунна зущал цачIу кIицI лагарду цинярда байрамирттал къинирду. Вана гъашинугу февраль зурул къунния шамунний кIицI лагарду Аърасатнал къирил ва хъхьирил аъралуннал къини. Ва къинилул хъуну дур арулцIаллий ххюра шин. Вай шиннардил мутталий хъунни хар-хавар бакъасса ишру щалагу дунияллий хъанахъимуницаIун бавхIуну. Яла хъунмур баланугу хъуна фашист-германнащал мукъра шинай най бивкIесса дяъви. Му дяъвилий дагъусттаннал циняв миллатртал чиваркI кунма Лакку билаятрал щархъал гъарца къатраватугу чIава жагылтураяту тIайла хъуну, оърмулул бугъара хъуминнайн бияннин лавгссар душманнал кьючлил хъхьичI цала жаннату къянкъасса бару бан. Мийннава чIявумигу лавгссар цала хушрай, жагылсса, хъами-душру тIурчан дагъусттаннал дазурду цIакъ дан ттанккарду дюкъайсса архру лавгссар буқлан. Та фашистуращалсса дяъвилий дагъусттанная архсса аърасатнал шагъурдай ва щархъаву хъанай бивкIимур цIана жула хъхьичI бацIан буллай бур тикку дяъви къиззгъинний талай бивкIесса шаэртурал дурсса чичурдайну. Та чIунгу, виртталгу вана укун дакIиний дутлай ур та дяъвилуву гъуртту хъусса, ларгсса шинал оърмулул ттуршира шин кIицI ларгсса шаэр-аълимчу, аъпабиву Хъусрациял шяраватусса XIусайнахъал Абачара. Дяъви байбивхъусса гъантрай душмантал танкral пулеметрах ххуку буллай, виричушиврий жан дуллусса цала уссу Рамазаннун хас бувну бур ва ялавай бивщусса назму А. XIусайнаевлул.



А. Ҳусайнаев

ТА ГЪИДАЙДИХЬУЛИЙ



Та гъи дайдихъулул гъилисса къини
Оъсса, кIусса мукъра шин дайдирхъуна.
Вил пулеметрайсса чаннанил гъунттуйн,
Зев-зев тIий, ккулларду щилан бивкIуна.

Бомбардал лув ливчIун, зу ливтIуссар тIий,
Ттупал ккуччу бувну, бухлавгссару тIий,
ЛахIуни дирхъуну немец бачайва –
СиличIайн дирхъуну, ина къатI байва.

Агъ, фашистнан кIулъя виричу хъинма,
МукунманацIухсса буван къаних-я:
Ца хъхьичIун, ца махъун мина дуртуна,
Шанчинмур вийн руртун, пIякъ чин дуруна.

Украин арщарай, ххуй душнил карав,
Жан дулун багъуна вин, жагъилнува.
Агъ, ивчIангү кIулсса Гъухъаллал Къайдар!
Агъ, талангү кIулсса та Диллал Ахъай!

Вил бивкIулул къюву духIан къархъуну,
ЛавхIуну лавгунни вил къянкъасса ппу!
Вих айтIий духларгун, айтIун макъ дақъа,
Вил дардирдайнна дур вил хъунна бава.

Вин буцай душнилгу бакI кIяла хъунни,
Танил оърчIаягу арантал хъунни.
ДикIувча ххяххлайнна, уссай, вил гъаттай,
ОърчIру кунна, ххуйсса ятIулсса тIутIив!

Барга хүүнчэв зуи 8-шур мартрал кыни!

Пашманшивурттал хъирив ххаришивурттугу ялун дийссэ кунна, кИнтнил дякъил замгъарданул ласука бухлан буллай, Айрасатнал кырил ва хъхирил айралуннал кынилул хъирив жучланна дучай жунна яла ххирамур байран – 8-шур мартрал кыни, жула ниттихъял, ссурваврал, душварал язимур байран. Ва дикай щалара лухчи цу лаглагисса, айрщарайсса тПутай ал ва мурхъирдайсса къупру буцлацисса чун, гъава чюлу бай ойрчли лелуххантрал магънардал, гъаннайсса щаллусса шинал циняр ххий-

шивурттал ва буллугъшивурттал дайдихьу хүссэ чун. Жула ни-нухъру, бавахъул, ссурвалгу му чумуха лащай. Мунияту духьунсар интнил щала ххуйшиву, щала тПул-тАбайялтрал буллугъшиву ва узданишиву цавура ларсун заназисса ниттихъял байрангу щала Айрасатнаву ца яла язимур байранну киц лагайссагу.

Ва байран хъиннера чюлу данссар тПисса умудрай зугу кул банну личи-личисса шиннардий дуклаки ойрчай ал ва душварал жучланма тайла бувкса шеърирдащал, хавардал.



Ххирасса дура ттун

Клантухгу щядирчун,
Жу айтчутини,
Инаяхха, нину,
Клану гъурччу тий,
Жу шанавун гъаннин
Ухтай дурцууну,
Уттара дувайсса
Лахъисса хъхьурду.

Дяркъу-гъилишишу
Ккалли къадурну,

Хъхувайсса нахисса
Шану къабивтун.
Инаяхха, нину,
На хъуна увсса,
Утти нагур виха
Къуллугъ бантисса,
Вил мурчайсса пишири
Ттулгу тирханну.

Чупанов Чупан
9-мур класс
2017 ш.

Дада

Дунияллий яла язимур махъ бур – дада. Му бур инсаннал хъхьичІва-хъхьич учайсса, дунияллийсса циняв мазурдийгу ца куццуй тІаальну баллан бикІайсса махъ.

Дадал дикІай яла тІаальнми ва кІукІлуми кару. Ци дуссар миннуша дан къабюхъайсса?

Дадал дикІай яла марцІмур ва личІлулмур дакІ, ганиву тачІав ччаву къалещай, биччибакъулшиву ганил къадай. Инава ххюра ягу ххюцІалла шинаву ухъурчагу, вингу аркинну дикІай дада, ганил ках-шахгу, ганил яругу, ганил нахІусса махъгу.

Цуксса хъуннасса дурив вил ниттихсса ччаву, муксса ххариссар ва чаннассар вил оърмугу.

Ци пишалул заллу дунугу вил дада – аълимчу ягу азарханалийсса зузала, аъртІиска ягу дарзий, учительница ягу доярка, кІулну икІу, ниттил яла хъунмур талихІгу, мурадгу, агар на ттула оърчая пахрулий дуссара куну, учин бюхъарча.



Тун дадажъул түтіжа лаңай

На гъарца шинах дада барча дувара нара чюлу дурсса сурат пишкаш дурну. Ниттин мукунсса бахшиш хъинну ххуй дизайн. Цана хадурнурасса открыткарду машан ласлан биклай, ттуннив чкан биклай ттула карунних сурат дишин, ранг-рангсса түтіив къуркъуну, ми открыткалий лачун дуван, мукунсса «захиматрая» дада хъинну ххари шайну тий.


Ттул дада Саида – учительница, муннил ттун уттива лахъхын бай захимат буллан. Мунияту на кумагчира, чиши уссу Жамал яувайнийгу.

Хъанил байран дучлай жучланна интил хукъулущал, интиясса ххариши-вурттащал. Ттун интнивуугу, ниттихъавугу цалащаву чалан диклай.

На хакыну «Чавалачинналул» хъаттирдай ттула дадацун цинявппа дуняллий буцири дадахъул барча дуллай бура хъанил байрандалущал. Ша тий бура миннан цинявнан цуллушки, талих. Зу зула орчал ва душварал ххари булланнав, тий бура. Ттун чиива дуняллийцири дадахъан пишкаш дуван нара дурсса открыткарду, ххуй-ххуйссатүтіивгу дирхыну орчы-чюлу дурсса. Ттун дадахъул түтіхагу лаңай мудан. Түтіив кунма ххуйва-ххуйсса буны тийми.

Ссалам гъан буван чиива Ккуллал шяраву яхъанахъисса Шуальнат бабайнгу. Ссалам гъан бан чиива циняв нава куллицириннайнгу. Цуллушки дулуннав зухъхъун!

Мирзаева Камила, 6 шин
ш. Южно-Сухокумск





Жул чIавамий дустал, бачияра жула цинявннал дакIихтуну барча буллай жула ниттихъул, бавахъул ва аму дадахъул, ссурвал интнил илчину хъанахъисса майлчинмур мартрал байранналуштал, чIа учинну миннан цIуллусса, лахъисса оърму, бартлаганнав цал дакIурдил циняв мурадру.

Шаэр Мирза Давыдов

Москавлияссә ЧАГҖАР

Москавлийсса ца школалий цалчинмур классраву дуклакисса Амирдухъ муаъллим душнил цІувххуна:

– Амир, ина гъинтнил каникулу цукун гъан дан тИий ура? Ттун бувнни вил ниттил ппу, ниттил нину MaxIачкъалалий ялапар хъанай буссар тИий. ТайнначІан къагъаннав?

– Ттула нину ва ппу Москавлив зий ва ялапар хъанай бунугу, гъарца гъинттул на лагайссара Къапкъазнавун. Ттул буттал нину ва ппу Абхазиянавассар. На ттула ссищал бигъалагайссару тикку. Тайннал буссар винна чимур журагул ахъулсса шайсса хъунмасса багъ. Лагмава урувгма хІайран хъунсса щюллишиву, багъру, тикку хІаз бикІай. Ттун ххирар ттула кІивайвагу ттаттахъул ва бавахъул. Яла тиха лагайссара Дагъусттаннайн – MaxIачкъалалив. КІивайвагу кІанай хІаз бикІай.

– Яла-яла вин ци дакІний ливчІри, – ялагу цІувххуна муаъллимнал.

– Чіявусса задру дакІний ливчІунни, хъиннува дакІний ливчІунни ттула дус Даниял. Та яхъанай уссар ттул ттатта ва бава ялапар хъанахъисса къатраву. Даниял ттул яла хъхичІунма дусри. Та уссар дакІ хъинсса, хІаятравусса орчІаштал хІал бавкъусса, хъамал ххирасса, дустал чіяву бан чисса.

– Циняв орчІру та кунмасса бияв?

– Бакъая. Цащала цивппа бавкъусса бунугу, ттущал бакъая. Ттун ххирассар футболлай уклан. На ттуплийн чанвагу щун къайтайвав. Му зад Данияллунгу тІааын бакъашиву, ганал гай орчІах уругавривура чІалай дия. Ца кыни танал ттухъ куна, канихъисса хъунмасса

ялтту бурчул бавкъусса ттупгу ккаккан бувну:

– Амир, вин ттущал дус хъун чай бурив?

– Бур, – увкуссия на, – ина цайми орчІаха лавхъхъусса акъара.

– ХІакынуния тихунмай жува ормулухунсса дусталлу. Вилли, ттулли бакъассар. Ба ттул ттупгу жула кІинналагур. Ачу утти ттуплий буклан.

Ттуплий буклай бувххукун, Данияллул на увцунав шавайн, хъамалу увнав личІи-личІисса ахъулссаннуй. Яла телевизорданухгу щябивкІун мультикуру ххал дуллан бивкІру.

Амирдул яру пашманшиврул гъав лаган бувна, яла лагъисса чІуний куна:

– Та ттун куна, Данияллунгу на дакІний уриав?

– ДакІнийгу икІантІиссара, хъунагу бакъинтІиссара, ттун бувчІунни зул душиву ормулухунсса душиву. Щакъисса душивручІан бивсса ххазина ва дунияллийвагу бакъахъунссар. Ядувара му душиву, – куну, муаъллим душнил Амирдул дакІ рахІат дуруна. Танин личІи ча кІулхъунсия, Дагъусттаннайсса Даниял Москавлия цала дус учІансса чІун хъуннин гъантри буклай ушиву.



Муса Махамадов

БарцI ва ЧулчI

Авчинал бивкIун бур ца вацIлул зуманив жанавар бугъансса къатIа бивзун. БарцI му къатIухъхун биривну, чтан сакъат хъуну ур? БурцIн хъунабавкъуну бур цулчIа. БурцIил вев куну бур:

— ЦулчIа-ссувай, ссавур дува, кумаг бува ттун къатIуша итххяххан.

ЦулкIлул жаваб дуллуну дур:

— Цукун бави на вин кумаг, къатIа бур къатIа. Ина, барцI, дард мадара. На ина дакIний битанна муданма!

БурцIил жаваб дуллуну дур:

— Гъай-гъай, дакIнийн бутансара табунугу. Хаснува инава на кунма къатIул бувгъусса Чумал.

ЦулкIлул куну бур:

— Ина ттуйн оъхIалшиву мадара, сси мабизара, гъантIиссар шинну, къатIуша итххяххарча, сагъ хъунтIиссар вил чтангу, яла хъунабакъинхъуву та бунугу жува.

БурцIил жаваб дуллуну дур:

— Ина ахIмакъ бура, цулчIай, та бухъурчагу жува хъунабакъинтIиссару бурчурду баххайсса тучандалуву.



ДУКЛАКИ ОҮРЧАЛ ВИРИЧУССА ДАВУ

Ва иш хъуна цаппара шиннардил хъхьич! БувкIун бия ятту арияту. Зунттавусса марххалтту баслай, неххал яла бавцIумур чIун дия. На му чIумал КIундиннал школалул завучнү зий ура. Колхозрал парторг увкIун увкунни ттухь:

— Лаккүй бивкIими ризкыилун ду-
канмур дакъасса чIун дурча, дуклаки
оҮрчАя бригада сакин бувну, кIиазарва
тта бусса гъухъала Чаравусса ДядакI
тIисса зунттуйн биян бен насу, — куну.

— Шагъраххуллул чулийсса зунт-
туй зад дакъар яттил къеп чинсса, бакI
чартIи бувсса кунма, марцI дурну. Ина-
гу, дуклаки оҮрчАл бригадагу яттищал
бачияра, жу зул хъирив лаяннуча, —
кунни хIухчалтран.

На рязи хъура. Бавчуру. ТтарлихIав
бивру, хIухчалтгу ялун бивуна. ХIухчалт
бувкIукун на игъалавгунав. Вилттахчил хъуну
бувкру Оъллаарив яттищал. Бивру Чаравусса
зунттуйн. ЛачIлай дия дяркъусса гъарал мур-

чащалсса. Куматусса А'вдулмажид-
лул арс СалихIлул кIира уттуссаннийх
аымал бувсса ламу бувна тия ятту ла-
хъансса. На бригадалувусса оҮрчАхъ
учав: «Ва ламуйх нанисса хIайван цан-
нал ца къуч къабан бурувгун лахъан бен
аиркинссар, гужну экси нанисса неххав-
ун къабагъян», — куну.

Му бригадалуву уссия хъинну дар-
сгу лахъхъайсса Абакаров Алик тIисса
бажар бусса оҮрчIгу, цувагу ттуна хъин-
ну ххирасса. Му уссия ламул буршай
авцIуну, ца-цаних тIий, ятту тIайла бу-
клай. Ца чIивисса уттулуугу бусса чIи
бия цила ниттищал най, гания якъабуц-
лай. Чарах буклай буна, чул щуну ца
ттал, му чIи ламуя неххавун багъуна. На
анаварну янна ликканнин, Аликлул га-
ссят яннагу лирккун, неххавун ххявх-
хун, чIилучIан гъузуй авчуна. Ахиргу
Аликлул, чIи бувгъуну, къирийн буккан
бувна. Цила чIи ххассал шайхту, тта бия
га бушлай. Аликлул дурсса га виричув-
шиву ттун уттигу хъамакъадитай.



Шаэрнал ойрмуул 85 шин күнүлгіләгләм

Чури шаэр? Ва суал ттүххүн чиявучил булай. Нагу ми суаллаххүн укунса жаваб дулара: «Ттул пикрилий цумацинналгу шаэр айхүнссар цала бакIрачIан бувкIмунил, цала заманалул дардирдал ва ххаришивурттал сасан увмунил лагмасса тIабиаыттал чIюлушиннарал гъавасрал ххари уллалимунил мунил ссихIирал шавкъ дакIиниву ларсун заназимунил. Фашист Германнащалсса дяъвилул шиннардий ойрчIруну буна ккаши-мякь бувхIусса, ойрчIшиву къаккаркунна хъуни хъусса дяъвилул ойрчIая хъусса шаэртуран чичурддаву тIурчан ляличIиссава, мидуркуминнал дакIурдивун буюхансса асарду бур. Ца мукунса шаэрну на ккалли авияв ЧIайннал шяравасса Камилов Сажид MaxIаммадлул арс. Ванал ойрмуул дахъра шин хъусса шинал байбивхүнү бур фашист германнащалсса къизгъинсса дяъви. Цала шяраваллил чиваркIуннал шанна шин хъусса Сажидгү, дахъра ца шин хъусса ванал уссы Рамазангу цала кулпатрайн Аминатлуйн аманат бувну, цала хушрай лавгун ур айран гайннал бутта. Та чIумал, хаснува мюрщисса ойрчIру бусса ниттихъял бувсса захIматрал кымат бишун хъинну захIмат хъунссар. Ва дия циняр ниттихъайн дуркесса оь кини.

Лархъуна ниттихъял лахI-ккухI тIий му къинигу, цала яхI-ссавурданул бувхIуну. Къуртал хъуна дяъви, сагъну ливчIими чиваркI зана хъанан бивкIуна цала ичIунмай. Так миннаву цаягу акъая щавурду къадирсса. Мукунминнавух ия Сажидлул ппу MaxIаммадгу. Гай щавурду савав хъуна ойрмуул 65 шиннаву альпалувух ивхъуна.



ОйрчIнийва захIмат булай айдат хъусса Сажид зун ивкIуна Ккуллал райондалул личи-личIисса давурттай. ХъунмурчIин культуруалул идаардай: художникну, музыка бишуну. Мунал гармоннай, мандолиналий дуцлацисса макъаннал тамаша бувкIими маxIаттал

байва. Яла кулпатрал хъуну маxъ, цала ниттин цIа дирзесса ПатIиматлущал ивзуна Каспийскалийн. Зун ивкIуна тай шиннардий ца Дагъусттаннай бакъя, щала Айрасатнавух цIа машгъур хъусса «Дагдизель» тIисса заводрай. Тикку зувиллий арулла шинай зийгу ивкIун, пенсиялийн увккуна. Вана укун ккаркесса захIматшывурттал тIивтIуна Сажидлун чиявучиву бусрав хъунса ххуллуугу.

Ванал шаэршиврувунсса ххуллуугу бивхъуну бур цанма ккавкмунил, лагмаминнал оь-хъинмунил. Ттуща тас-ттикь бар буюхъансар Сажидлуюгу гъунар бусса шаэр Айрасатнал чичултрал союзрал членгу увсса цала захIматрал, дакI чанна лахъян дурсса шавкъирал ва халкъуннахсса ччаврилли куну.


Музыка ххирасса, ЧIарусса шиннардий райондалул культуруалул идаардай зий ивкIисса Сажидлул шеърирду бур щаращал щинну кунна караматсса щуршулий уртту-тIутIавух экъи нанисса, буккултрал дакIурдивун буюхансса.

Укун, буккултран ххирасса шеърирдугу цала альпалун сагъминначIа къабивтун, ойрмуул 85 шиннаву ахиратравун лавгунни ва гъунар ххисса шаэр.

Сажидлул юбилейрацIун бавхIуну, ялавай бишлай буру ва шаэрнал маxъ ппурттуву чивчусса цаппара шеърирду.

Ттул зунттал жайран

Сажид Камилов



Лакку душ, ттул зунттал жайран,
Ккуркки лавгсса зурул симан,
НахIушиву вил лугъатрал
Гъалгъа байни ниттил мазрай.

Муний къадикIай ттун чIалай
Вияр ххийсса цичIардагу,
Вил чIунил хъхыичI дацIан дувай
Лакрал зунттал бюхттулшиву.

Ина цIунил зана дунни
ТтучIан ттула жагъилшиву,
Ттул лешлашисса чирахърал
Лама ярг хъунни цIунилгу.

Лакку улклюхсса ччавугу
Хъиннуря ягин дурунни,
Хъурдай щянкIан цалвагу
Ппухъруннал ккурчIав ттигу.

Хъун ЦIувкIуллал булауда

(Хас бувссар балайчи Качарханумлун)

Цимурца хъуннар шай
Аърщарай думур:
Азарда шин хъусса
Мурхъругу къакъай,
Щин чан хъуну хъуни
Нехру ххялтIа шай,
Ссавний цIурттигума
Ччувчуну зизай,
Жагъилнура чувчIав
ЦичIар къаличIай.
Так балай бур абад
Жагъилнувасса,
БивкIулул сакарат
Лещан бувайсса.
Хъун ЦIувкIуллал булбул –
Жул Качарханум,
Щаращал жюржуну,
Къурдал хIукъуну
Экыи нани бува

ХIикматсса чIурду,
Му дакIил чагъанттул
Гъаргъ арцул синтту,
Жагъ айтIий, жагъгу хъяй
ЗурзутIи дурну.

Хъхуннил цIаннал пардав
ХхялтIа хъун дуллай,
Зунзулчаннал туран
Барзунттайх личлай,
Экыи нани бува
ТалихIрал балай,
Мудан жагъилмасса
Лакрал барзунттайх.
ХIакъисса ччаврил гъавас
ЦIулаган буллай,
Оърмулул айншиву
Чулийннай дуллай.

БүгчА АиШ

На акъаяв чарил усттар,
Бювчусса чиртту байсса.
Ттущаа бюхъай қуццуй
Уссияв чира буллай.

Ца чарил мицI гъагълай уна,
КьютIлу канийн щуна,
Щусса кIанајату оьттул
КIунтIру ккурун бивкIуна.

Му лахIзалий ца ссуурхIи
Чарах бувккун бавчуна,
Зузинахъ гъарнал учайсса
«ТайлабацIу» къакуна.

Яла махъунмай бурувгун,
Яру хъяхъи бувуна:
«Ххийсса усттар хъунссар вия,
ХIарапат бува», – куна.

ХъункIултIутIул къуп хханссия
Ганил пиш тIисса мурччив,
Чира бувну къуртал хъуннин
Гъа хъуна га пишгу ттун.



Челмудлача аъкълу

ЗункIуллийгу щябивкIун,
Челму бия чIев-чIев тIий,
Кюру бан паракъатса
Клану ляхълай бакъар тIий.

Чурттуй щябивкIесса ччитул
Лахъсса чIуний мяв куна,
Сисрессилттайх мазгу битлай
Аякъалий увкуна:

— Челмуй, мабара пикри
Кюру бувансса кIанттул,
На ккаккан буванна вин
Кюру бувансса кIану,
Ина ккунукру бувкун,
Кьюрмав ччитрал къабу勘.
Мий чIявуссар шяраву
Къаралгу нава банна.

Магъгу тIиркIатIи дурну,
Челмуллул чIев-чIев куна:
— Ччитуй, вил маз нахIури,
Пикримур бур лухIесса.

Лахъху ина ттул ца дус
Къуркъу бавай ливчIуна,
КъабивкIссания кацIа,
Ганил ахир хъунссия.

Ттул чIивисса бакIраву
Буссар ттунмасса аъкълу.
Вил нацIусса мазралгу
На хъяврин къабайссара.

* * *

Ххурхху бакъа нехри
КуртIесса дикIайссаса,
Девталгу Чанулун
КIункIу бувайссаса.

Аълагъужар лахъсса
Вев-шевтIи неххал,
Мунил къабантIиссар
Щун хъунссаса зарал.

Къаччан бикIансса махъ
Дуснал увкусса
Бюхъайссар бикIан га
Вин хайрданунссаса.



Ниттийн Къирият

Чирчурайн бивчуну
Къакъан лачлагу,
Щядиркъуна нину
Чарил чурттурдай.
Чуртулун лявкъуна
Мюрщисса жугу,
Щябивкъун буссияв
Ца чютла дурну,
Ла-яла буруглай
Ниттийн иттавгу.

Хъахъи-мачларисса
Ганил члаврдайх
Мукъал къунтру бия
Хяллицхуу ккуруй.
Жул дактругу дия
Аьраттал дуклай,
Аьрайн нанисса пшу
Ия хъхьича ацлай.

Буттал даймур дия
Ти нину дуллай:
Чарчан хъуру гъай тий
Тланнул хъарасрах,
Чарчан чиникъирттах
Сунну ххарты буллай,
Ватанналийн дуркесса
Оъкъини лахълай,
Хъами-душшру бия
Къинттуллух талай.

Дуссухун баттайва
Чаххурал хъами,





Талаталтран щашлай
КатIри, жуларду,
Посылкарду дурну
ТIайла дуккайва,
«Аърай талаталтран
Кумагран» куну.

Яла зунзулчаннахъ
Давурттайн гъайва,
Ца-ца инил къясгу
Оърчан къабивтун,
Ахтакъунмай шаппай
Зана бикIайва,
Чантайртту бувцIуну
Дукайсса урттул.
Гайннүя лархъхъу накъ
Ниттил дувайва,
КIучIалттул ца хъатгу
Ялун дирчуну.

ЧиваркI талай бия
Душмантуращал,
Хъами талай бия
Оъ кинирдащал,
Дяъвилул ахиргу
Хъанай дақъая,
Аърши-ссав янсаврал
Къункъаву дия.

Ккашил аъзиз бувсса
Мюрщисса оърчIру
ЦIуцIавурттал щатIал
КъятI буллай бия.
ОърчIал оънгалул чу
Баллай бақъая,
Нинухъру му хIасрат
КъортIа тIий бия.

Мурхьирай щябивкIесса
Вяркъул вярхъ чирчан,
Ниттил гъав ларг симан
ЧантIа дуккайва.
Инсаннащал кунма
Ихтилат байва:
«Вяркъуй, мусил шивуй
Вил кIяла хъазам,
КIилийну ххишивуй
Хъаттирдай къуват.
Ххийсса хавар лавсун
БувкIун бухъурчан,
Ттула жан вияту
Къурван дуванна.
Буси вила мазрай,
Ца-цаних буси,
Вил чIунил ттун гъарзад
БувчIин бантIиссар.

Ттигу бияв ччучлай
Аърасат цIарал?
Гъагъавай дақъаяв
Ликири душманнал?
Зунттал вирттал бияв
Дяъви кIириний?
Бивщусса, ливтIусса
Бияв чIявусса?
Лажинни, миннатри,
Буси тIайлану,
Гайннаву акъаяв
Ттул лачинвагу?
Вин та увчинтIиссар
Азаруннаву.

Мах-кьютIилу куна
Уссар къянкъасса,
Зунттал бюрни куна
Уссар зирангсса,

Нигъ-ццах ганал ссанчIав
Ккалли къадайссар,
Цама ххассал уван
Царавунгума
ХхяххантIиссар цува
Чучлай унува.

Нажагълий щавурду
Дирну ухъурчан,
Ххярк тIийвагу шавайн
Занахъу уча.
ХIухчил чIапIаяту
Кичайтту данна,
Ттула муkай шюшлай
На хъин дуванна.

Ярагъ канил бугъан
Бюхълай ухъурчан,
Яруннал жавгъарду

Сагъну бухъурчан,
ТIайла бува уча
НякI чIутIул ккулла
Зулмурдал бувцIусса
Язиднал иттав.

Цила хъхъуцанттуу
Бугъ къабувссаксса,
Бивщусса жанавар
Буккайссар утта.

ОърчIал пикри айрай
Мабара уча.
Нава сагъссаксса, ми
Ябанна сагъну.
ТтуцIун Аллагъналгу
Кабакъинхъуви,
Так ххирасса ина
Сагъну занахъу.





Вяркъуй, ххуйшиву вил
Чунил хІакыну,
Вищал дакъа дард на
Щищал дачіви,
Цалами дардру бур
Циняв ххихъуну,
Гитлердул дурунни
Жунна оьшиву,
ЯхІ бани, лахъанну
Ва альтарагу!

2

Га кыни ахтакъунмай
Чіяннал хъунмасса ккурчлав
Бавтіун бия чіявшса
Халкъру мяоълийн кунма.
Хъаниил дяниву бия
Бавціуну Патіиматгу,
Хъуниминнал щакъ бувсса
Хіукму буккин бавтіссар тіий,
Шяраваллил хъуниими
Бия цачіу бавціуну.
Хіукму бия мукунсса
Шяраваллил агъали
Чачаннавун куч бансса.

Га хіукму букканингү
Ссавурданий бавціуну,
Цила бюхттулсса чіуний
Патіиматлул бюххансса
Балай итабавкъуна:
«Ххуллийх бачивияв,
Усру тіартіун дур.

Уссай мачI дизансса
Усттар ақъари.
Ватангу дяъвилул
ЦІараву дури,
ХІасратирттал балай
Цукун къачиви.

«Ттул лас уссар талай
Душмантуращал,
Ганал тІюва пуч дан
Къахъунссар ттуща.
Лаккүйнияр ххийсса
Духъурчан арьщи,
Чачаннавун зува
Цан къабизару?!»

Бюхъай га балайлул
Лиявайсса щар
Личіан дурну дикіан
Духлагаврия!

Къуртал хъуна дяъви,
Ххит увна душман,
Зана хъуна вирттал
Цала минардайн.
Душманнал ккуллардал
Щавари увсса
Патіиматлул ласту
Увкіуна шавайн.
ТІюва чанна хъуна
Чирахъ къалавхъна,
Щавурду хъин дурна
Ччаврил гъавасрал.



ШАЭР

Ки дуркіуна хавар бакъа,
Га цукунсса дияқтай?
Ки дия лап кіяласса,
Кіяла памма куннасса.
Ганил шанаши дурна
Мюрщи ратіру, щаращив,
Ялтту бакын бувуна
Кіюлава-кіюласса мікі.
Лелуххант бия архну,
Чунмай биявав лавгун?
Бявкъу мурчал биявав
Гъилиний вай бавкъуну?
Лагмарা бизаршиву,
Лагмарা къякі тіи дяркъу.
Га дякъийн кьюча бигълай
Интгу дия хъирив най.
Бургъил лагъ хъусса тіннту
Къавтій дур някі мікілірай.
Буриав мікігу айтій
Макъ дур ялтту экъи най,
Мікіліралусса къунтту
Къар-къур тіун бивкіуннихха.
Интнил яру тіивтіунни,
Къурдал щюлли ларххунни,
Гъаннай, суннай дараччив
Ссавнихъ пиш тіун диркіунни.
Лелуххантрал ххарисса
Чурдал гъава бувціунни,
Хханссар таллагъ хъяхъисса
Ва щаллара дуниял.
Кіяласса кіигу хъинни,
Щюллисса интгу хъинни,
Цимурца чіолу дуван
Мюрщи оърчіругу хъинни.



НАДИР-ШАГЬ ХХИТ УВНУ 280 ШИН

Dөрчіру, ххуйну кіулливкай зун жула миллатрал тарих? Кіулливкай зун хан Муртаза-Альи цу ивкіссарив? Ттул пикрилий, кіулхұнссар, әнчирчан, әала нинуппу ххиранан, ххирассар әала минагу, миллатту.

280 шин хъанай дур гъашину хан Муртаза-Альи бакічину жула Дағъусттаннал халқуннал Надир-шагъ ххит увну. Зун ххуйну кіулхұнссар дағъусттаннал тарихрал луттирая Надир-шах цу ивкіссарив. Ганал Дағъусттаннай дүллай ивкісса къирмишанная. Амма га дунияллийх әла дуркесса мурват бақъасса зулмукарнал къудуршивугу, шахнал дақініл хъуншивугу, аскарнал яхігу хан Муртаза-Альи бакічесса Дағъусттаннай зунттал вирттаврал мисри турдал тиердах къуркүсса күцгү.

Чаявусса чивчуңу бур хан Муртаза-Альил оғындария, ганал гъунардая әнчирчан яруссаннал хъялича заманнан балайрдаву (әпос «Хан Муртаза-Альил талатаву» тісса, әнчирчагу лакрал халқуннал хъялича заманнан балайрду «Хан Муртаза-Альи» тісса. Чансса бақъар ттизаманнан альимтурал, шаэртурал, чичултрал ганал гъунардал хъирив лавну, ганая чичлачесса ва чивчуссагу. Масъала: Хәбібхъал Саәдлүл киңі ғындару бур Хан Муртаза-Альил Надир-шагъ ххит увсса күц «Ттурчиял зунттуй» 1906 шинал әала лакрал миллатрал тарихрая чивчусса жүжрай, Альи Қыяевлұл, 1996-ку шинал тарихру хал бигъайсса муаыллим-профессор нал В.ХІ. Хәжиевлұлғу чивчуңу бур Муртаза-Альил талатаврия, ганал гъунардая «Хъяличунмай бачияра, зунттал вирттал!» – куну, ххаяхайсса ивкінур үр Муртаза-Альи душмантурайн. «Жува ва Буттал айрещи марці дан айрекинссар


душмантурая! Хъяличунмай шияра! Гъур-ра!» Цими душман ххит увсса виричу икінші айрекинни Муртаза-Альи ва хәккіннесса къинигу лакрал миллатрал хъун мажлисрайгу, хәтта хъатайгума хан Муртаза-Альиха бикітай шаммарду буллай. Хъама ивтун ақъар лакрал миллатрал театрданунгү. Цимилагу ганал гъунардан, оғындару хас бувсса пьесарду бивхұнни.

Шиккугу ттун учин чиива: мугу хъанай дур миллатрал әала Буттал кіану әннен айзизшиву чәләчі баву, куну.

Әала дунияллун кіулли жула дағъусттаннал миллат гъарца чулуха уздансса, дүсшиву дан чиисса, хәтті бавкүсса, мунищала виртталсса бушибу. Хисав дара, ва жула Дағъусттаннай бақъахұнссар нажағесса бақъа ва дунияллийцири миллатирттал вакилттал ялапар хъанахъисса. Чансса хъуна къабакъай чил хұкуматирттал инсанталгума. Амма бақъар жула зунттал инсантурад «вилли-ттулли» түтінів. Цинявшыны инсантал уссурвал-ссурвалну ққаклай бур. Хәтти цир жула дағъусттаннайн гъужумру буллай буккан! Бүний күкүччу бантіссар! Укун зирангсса бур жула зунттал халкъ. Та чұмала диркісса куннан куннахссса чаваугу, дүсшивугу, хұрматту тастықты буллай үр Сурхай-ханнан арс Муртаза-Альи: бур учинсса зунттал миллатирттал виртталғу әңгімә бувну, къажарнал шагъ Надир ххит увсса.

Ттулғу умуд бур, оғындару, зу куннан құв бувгүсса, инсаншиву дүсса, захіматрая нигъя къабувсун хъяличунмай бусраврай зула ххуллу лавсун бачинсса, виртталсса инсантал хъунссар тісса.

Сиянат ХАЖИЕВА



ЧИЙЛ ДАРВАГ


Гай дия захIматсса дяъвилул шинну. 1943 шинал ттул ппугу увцуна Буттал КIанттул цIанийсса хъун дяъвилийн. Га чIумал ттун дия 13 шин хъуну. Щала жула хIукуматрайн бия ккаши багъну. Жул щарнил чIарахгу ккаши букъавккун къабивкIуна.

Ца къини шавайн зана хъусса, ттун хIисав хъуна нину цинна цурдалу къатлувугу щядиркIун, мяммал чагъаргу каннил бувгъуну, мяммащал кунна ганищал гъалгъя тIий, га чагъарданий цинттул мямма чIалачIисса куна: «Юсуп, тти на цибави, мюрщисса мукива-мукива оврчI на цукун ябави, дукан, хIачIан дакъасса кIанай», – тIий. Жагъилну дунура хъуннар хъусса, илтIасса симанналийхгу бия хъунисса, гъарал кIунтIру кунмасса, мукиал кIунтIру най. Ца лахIзалий ттуща уний миkI лавчIисса куна, сукку хъун къавхъуна. Ниттинив на къатлуун увхссавагу хIисав къавхъуна. На хIаллих увккун лавгра. Нитийсся язухърал ттул дакI дия ойттун руцан хIадурну. Ттун га чIумал уччиннийн агъи-агъи тIий, айтIун чай бия, амма на къянкъа дурссия. Му чIумал ттучIан гъан хъуна ттула дус Юська. Га ия ттуяр 3-4 шинал хъунасса. АцIан къавхъуна, на ттула дакI ганахъ кIи дачIав.

– Ттущал цIийл хъирив учланнав? – цIувххуна, ттух вичIилийгу ивкIун дуснал.

- Чун?
- Гъанжиливн.
- Му архну бурив?
- Гъаннугу бакъар.

Ттун га чIумал Гъанжи цирив, чу



буссаривгу къакIула, амма на рязину ияв дужагърал цIаравунгу ххяххан, так ттула уссу, ссуровал, нину ккашил къалитIунмур бан буюхъарчан.

– УЧланна, – ххари хъунав нава, цанчиран, га чIумал цIу къабикIайва. Ца стакан цIийх щаллусса ссахI иникIмалул, къалмул баххана байва.

Гъунттиймур къини кIюрххила Юськагу, нагу дарвагругу лавсун, ххуллийн бувкру. Ряхва гъантта хъуна жул Гъанжиливн бияннийн бахътта най, ххишалларан ттул чаннай усругу дакъассия. Дакъасса усругу на ча ласунссия, ссах ласунссия?

Га чIумал цалчинмур МахIач-къалалив къатри дурагу даkъая. Га бия къунналул авлахъ, так гикку бия му-ххал ххуллу, поездру.

Архниява Юськал ттун ца бакIу цIийл икаккан бувна.

— Ма ва ттул дарваггуча, му виламур цалсса ттухъхъун була. Цал ттулмур дарваг буцIин насу. Яла виламур буцIин гъанссара, — куну, ганал ттуща ттулмур дарваггуг зевххуну, къюнч куну, на тайла увккунав. На ххарину левчура цIийл бакIучIан. БуцIав Юськал дарваг, гужрай ххюрхху бувну, лавсун увкIра ганачIан.

— Ма тти виламур дарваггуг буцIин насу, — куну, ганал утти ттухъхъун ттуламур дарваг буллуна. Гава куццуй на ххарину цIийл бакIучIан левчура. Гайксса гъантрай загу къадуркуну, ккашилну, увххуну нава унугу, гассят ттун ккашигу, уххавугу хъама риртуна. Ттул хъхьичI дарцIуна цIия ххарисса ттула нину.

БуцIлан ивкIра утти на ттуламур дарваг. «Руки вверх! А ну, убирайссса отсюда!» — тIисса чIу хъунни махъя. Махъунай урувгсса, ттула ялув ур авцIуну ца загълунсса адимина. Ганал хъячIрайхгу бур лавххун ца хъунмасса ттупанг. Га ххал шайхту, на, нигъяусаврил, айтIун ивкIра. Ттун ойрус мазгу къакIула. «Ав-ав, дадай, тти на цибави?!» — тIий, айтIий авцIура.

— Ина лакку ойрчI урав? Часса ура?

Ганал ттухъра лакку мазрай жуав дуркун, на гассят ганал ссурссуллухунгу лавчIун, хъямала агъра, ттула буттайн куна. Ганал на увцунав цала къарчинал буткалувун. Дукангу увнав, хIачIангү увнав. Нагу бусав гъарца зат бусса куццуй.

— Ина та вила дус къаити. Таная вин дус къашайссар. Чалай уна ина захIматшиврухун агъну, хъирив къаувккунни, — дюъ дирхъунни ттуй ганал.

— Ттун цIийн — лаккуйсса ххуллу къакIуллихха.

— На ина тайла укканна, — куну, на тайла уккангу увкIунни га адимина. Ттун ххуллийх букансса ччатI, балугъ, нувщигу бивхъунни. Ттущава ласун шайссаксса цIийл дарваггуг бувцIунни.

— Вана ва ххуллийх тайлан ачиран, ина къааывкъинтIиссара, — куну, ца тайлласса ххуллийн уккан унна на ганал.

Га адимина ттуяту арх уцансса мугълат бакъя, ттул хъхьичIун увккунни Юська. Ххуллийх букансса ттул азихъту ганал ттуща зевххуну, бувкунни. На ганай ай дуллайгу акъассияв га чIумал, панчирчан, гагу на куна ряхва гъантлийзуму за къадирхъусса ойрчI ия.

Маява гъантта хъуна жул Гъумукун биян. На хIакынусса къинигу барчаллагърай икIара инсаншиву дусса яруссаннал, даргиял шяраваллал агъулданин, жу кунма мюрщисса ойрчIру гъантта бикIан ихтияргу дуллуна, букан хъхьичI ччатIгу бивхъусса, жул цIийнгу тамахIвагу къабивхъусса.

Гъумучиял ламучIан бивсса чIумал, цIан лакълан диркIуна.

— Нану жува шиккура хъхъу рутанну, — куну, Юська цIийл дарваггуг бакIрацI бивхъуну, утту ивхъунни. Нагу ганал кунма ттуламур дарваггуг бакIрацI бивхъуну утту ивхъура. КIюрххил чантI увкусса, ттулмур цIийл дарваг бакъар. Тийн-шийн ххявхра, юх, дунияллийх рухI дусса затгу чалай даkъар, ттула цIийл дарваггуг бакъар.

— Юськай, Юськай, ттул цIийл дарваг бакъар, ва ци буссар? — изан ав Юськагу.

— Ттун цикIулли, инания муний утту ивхъунав.

— Ав-ав, дадай, тти на ци бави? — тIий, айтIун ивкIра. — Юськай, виламинния ттунгу чансса буляар, — миннат буллан ивкIра на Юськахъ.

— Къабулунна, виламий я бан айркинссия! — айнцI бивщуна га ссят ганал.

Ялагу, бан-битан бухлагаврил, ттула куццуй, дадайнгу леххав тIий, айтIун

ивкІра. Цукса къащи къахъунссар, гак-
сса кІусса дарваг гила шийн хъачІрая
хъачІрайн бутлай, ачІа чланнашал кІри
бусса бургъилух щаллусса майва гъант-
лийгу най ивкІун, утти шавайн иявайсса
чумал бацин багъарчан! Яла-яла ниттил
хъхъичІ цитІийра ацІантІисса? Цукун
ургава на ганих, – вай пикрирдал ялу-
ялун къума лаган уллай, айтІий ура. Му
чумал чариввагу къакІулну, ца буртти-
гъу увкІун:

– Цивхъур? Циван айтІий ура? – куну
цІувххуна.

Бусав на ганахъ хъумуния, бакІ-
рачІан бувкІмуния. Га, жухъ бучІир,
къабучІирвагу къакуну, ссур бувну цала
чугу, лавгуда Гъумучиял шяраваллил чу-
линай. Нама, ттула куццуй айтІун ивкІра
ялагу. Ца заманнава хІисав хъунни гава
бурттигъу цала чайх кунма мархъгу биш-
лай, хъхъичІун ца адамиагу авкъуну,
жул чулийнай най. ЖучІанма биявай-
сса чумал, ттун хІисав хъунни га адими-
нал хъачІунттайсса ттула цІийл дарваг.
На ххявшхура ганачІан, лавчІра ттула
дарваграцІун.

– Ва ттул дарвагри! Итабакы! – тІий,
леххаву тІун ивкІра. Га адиминалгу чара-
ция ита къабакын, цала ялув цайхва
мархъ бишлай авцІукун загълунсса бур-
ттигъу.

Хлакъинусса къинигу на барчаллагь-
рай икІара га СалихІ тІисса лаккучунайн,
га чумал ттула чарав авцІусса. Ганал
га адамина ттула цІийл дарваг зана бан
къаувссания, шайссияв ттул ниттища
иникІма, нувщи, къама ласун.

Гания шинай на мукун маэшалий
лагайссияв. Чивину унуга колхозрал
яттихІухчунугу зий икІайссияв. Цукун
бунугу на ттула ниттин, мюрщисса ссур-
вавран, уссин ттула дяъвилия зана къав-
хъуссаппу акъашиву кІул хъун къаивкІра.

Ттул умуд бур, оърчІру, зугу зува чув
бухъурчагу, зуцІунма нину-ппу, зула ма-
ччами-гъанмий ххари хъанансса, пахру
буллансса инсантал хъунссару тІий. На
мунийн мукІура.



Цала оърмулуву хъумуния бувсуссар
Хъуннашиял Хіайдарал

Оърчал ссайгъатру

Ца кулпатраву бия чіявусса арсы. КіорххицГунмай гай цала жулардал цІаний куннащал кув биллан бикІайва. «Вай ттулли» тІий ца, «вай ттулли» тІий цамагу. Ца арснал ларххуна жуларду циняннаяр хъхьичі. Тахлил лувн дагъну дия ялагу ряхра жулар. Бусиера цими арс ухъунссар га кулпатраву?

Хъунбуттаев Самир
8 класс
АъДД школа.

Цумур жанавар ляхъайссар ва дүниллийн чІирттаращал?

Ца ччаннай бавцГуну бур, чІяруssa каругу дур.

Бусира, ци духъунссар га?

Ччанну щилай баттай, ттюнгъану ганийх кахгу учай. Оърчлан хъуннасса тяхъашивугу дулай. Амма цуксса цуппа баттай бунугу оърчал, цивува ссихI буссаксса, ххирар ганин гайннащал тІуркIу тІун.

Сааьдуллаев Мурад,
8 класс
АъДД школа



Азана за Ккузана Къабулунт/иссия

— Ккузанай, мэйва кИннайх бачIирчан, цими шайссар? — цIувххуну бур учительнал.

— Ххюва шайссар, — куну бур Ккузанал.

— Яр, цукунни, Ккузанай, ххюва шайсса? Ургу, буллунни ниттил вин мэйва гъивч. БачIи Азанангу була чирча, винма цими личIанссия? — куну бур учительнал.

— Мэйва личIанссия, — куну бур Ккузанал.

— Яр, цукунни мэйва личIайсса, бачIи Азанангу булун тIий бунува? — куну бур ялагу учительнал.

— Яр, учитель, — чайва тIар Ккузанал, — на Азанан къабулунт/иссия, — куну.



АЗАНАХЪАЛ КЬЮКЬА

— Азанай, цанийн ххюва бичирча, цими шайссар? — цIувххуну бур учительнал.

Азанаща жаваб дулун къархъуну дур.

— Азанай, — куну бур ялагу учительнал, — битанну вил чIарав ца ххюя оьрчи ялагу, ми цими шайссар?

— Армиялий куннасса Азанахъал кьюкъя шайссар, — чайва тIар Азанал.

Крос слова

1 2

3 4

1. Инсаннал чурх hal базу.

2. Гъарал ларчIний дуккай.

3. Къункъула тIитIай.

4. Гайннуштал тIуркIу тIун бикIай.

5. Оълил дулай.

6. Инсан щяникIай.

7. Инсантал батIай гиккун хавардайн.

8. Мурхириая къатI шай.

9. КIинтнил хъирив дучIай.

10. ОърчIан ххирами ахъулса.

11. НакI дуккан дурну дай.

12. Нитти-буттал оърчIан дулай.

13. Инсаннал чурх hal базурду.

14. Ччаннайн лаххай.

5 6

8

7

9

10

11

12

13

14



Соколёнок
ISSN№0206-7943

Чавалачин

1/2022

январь – февраль

Иллюстрированный детский журнал.
Издается один раз в два месяца.

Учредитель:
Министерство информации и печати
Республики Дагестан.

Регистрационный номер
серия ПИ №ТУ05-00413 от 22.04.2019 г.
выдан управлением Роскомнадзора
по Республике Дагестан.

Издается с января 1980 г.

Руководитель – главный редактор
М.М. Ахмедов

Редколлегия:
А. Исмаилов (зам.гл.редактора)
М. Давыдов (редактор)
С. Гаджиева
Ш. Шалласуев
Д. Магдиев
С. Увайсов
И. Магомедов
Х. Илиясов
К. Мазаев
П. Алиева

Художественный редактор З. Даганов
Технический редактор Т. Лузина
Художник номера М. Муталибов

Формат 60x84 1/₈.
Бумага офсетная.
Уч. изд. л. 2,93.
Уч. печ. лист 3,26.

Выход в свет 22.02.2022 г.
Тираж 395 экз.
Заказ № 1175.

Типография:
ООО «Издательство «Лотос».
Адрес типографии:
367018, РД, г. Махачкала, ул. Петра I, 61.

Редакция и издатель: Государственное
бюджетное учреждение Республики Дагестан
«Редакция республиканских литературных
журналов «Соколёнок» и «Литературный
Дагестан».

Адрес редакции и издателя:
367025, РД, г.Махачкала,
ул. Даниялова, 55.

Электронный адрес редакции:
litdag@mail.ru

Лакский язык

Индекс: на год - 31171,
на полугодие - ПМ992.

Цена свободная.